

Organistiniq amigaateqarneq, suullu peqqutaanersut pillugit Naalakkersuisut UKA2023-mi agguassassamik nalunaarusioqqullugit Inatsisartut aalajangiiffisassaattut siunnersuut. Nalunaarusiami akissarsianut tunngasut, ilinniartitsinikkullu neqeroorutaasinnaasut il.il. qulaajarneqassapput, kiisalu qanoq iliornikkut amigaateqarneq qaangerniarneqarsinnaanersoq pillugu Naalakkersuisut siunnersuuteqartoqassallutik.

(Inatsisartunut ilaasortaqaq Siverth K. Heilmann, Atassut)

Akissuteqaat

(Ilinniartitaanermut, Kultureqarnermut, Timersornermut Ilageeqarnermullu Naalakkersuisoq)

Aappassaaneerpeqarnera

Naalakkersuisut sinnerlugit Kultureqarnermut, Ilinniartitaanermut, Ilisimatusarnermut, Ilageeqarnermullu Ataatsimiititaliap siunnersuummik suliarinnissimaneranut isumaliutissiissutaanullu qutsavigaakka. Naalakkersuisut maluginiarpaat Ataatsimiititaliap isumaqatigiissup siunnersuut akuerineqartussatut inassutigimmagu.

Naalakkersuisut aamma maluginiarpaat siunnersuut akuerineqassappat, Ataatsimiititaliap Naalakkersuisunut kaammattuutigigaa isumaqatigiissummik isumaqatiginninniarnert pillugit eqqartuinerit nalunaarusiami initusariaqanngitsut. Ataatsimiititaliap aamma kaammattuutigaa qulequttat makku nalunaarusiammi ilanngunneqassasut:

- Ilinniarnerup nalaani ilinniagaqarnersiuteqannginneq unammillernartoq
- Taaguutit oqaluffimmi nipilersortartoq aamma pattattoq nassuiarneqassasut
- Pattattutut ulloq naallugu atorfeqarnermut periarfissat nalunaarusiammi ilanngullugit misissorneqassasut, kiisalu
- Oqaluffimmi sulineq eqqarsaatigalugu piareersarnermut piffissaq qanoq annertutigisoq atorneqartarnersup nassuiarneqarnera

Naalakkersuisut kaammattuutigineqartut tusaatissatut tiguaat siunnersuullu inassutigaat akuerineqassasoq.